

Datum i mjesto: Sarajevo, 30.11.2023. g.

Broj: ONAuBiH-30/11/23-01

PREDMET: *JAVNI POZIV ZA TERENSKE ISTRAŽIVAČE/ICE (2 izvšioca)*

OMLADINSKA NOVINSKA ASOCIJACIJA U BOSNI I HERCEGOVINI (ONAuBiH) OBJAVLJUJE POZIV ZA DOSTAVLJANJE PRIJAVA U SVRHU PROVOĐENJA ISTRAŽIVANJA:

**„Mladi u fokusu: Medijska izvještavanja o omladinskim politikama u BiH“**

Trajanje angažmana: 20.1.2024 – 31.3.2024

#### Uvod:

Omladinska novinska asocijacija u Bosni i Hercegovini (ONAuBiH) poziva sve zainteresirane i stručne pojedince i pojedinke da se prijave za poziciju *Terenskog/e istraživača/ice* u okviru projekta *„Putokaz za mlade, karike za promjene“*, koji se sprovodi uz podršku Instituta za razvoj mladih KULT. Projekt ima za cilj utvrditi trenutno stanje i nedostatke u izvještavanju bh. lokalnih i drugih *mainstream* medija o temama vezanim za omladinske politike te pružiti dubinsku analizu načina na koji se omladinske politike reflektiraju u medijskom izvještavanju u Bosni i Hercegovini.

#### Pozadina:

Danas na teritoriji Bosne i Hercegovine imamo tri zakona koja se tiču prava i obaveza mladih:

- Zakon o mladima Federacije Bosne i Hercegovine (Službene novine Federacije BiH, 36/10),
- Zakon o omladinskom organizovanju Republike Srpske (Službeni glasnik RS, 98/04, 119/08, 1/12), te
- Zakon o mladima Brčko distrikta Bosne i Hercegovine (Službeni glasnik Brčko distrikta BiH, 18/17)<sup>1</sup>.

Kroz navedene zakone o mladima tretira se pojam „omladinska politika“. Omladinska politika se može doživljavati i kao obuhvat svih domena praktične politike koji se tiču mladih osoba, npr. socijalna zaštita, zdravlje, stanovanje, zaposlenje/preduzetništvo, formalno obrazovanje i tako dalje, kao i sagledavanje transverzalnih pitanja kao što su socijalna inkluzija, aktivno učešće mladih, rodna ravnopravnost, itd<sup>2</sup>. Omladinske politike igraju ključnu ulogu u oblikovanju budućnosti mladih, a medijsko izvještavanje ima značajan utjecaj na percepciju i razumijevanje tih politika. Projekt *„Putokaz za mlade, karike za promjene“* se bavi proučavanjem načina na koji bh. mediji pokrivaju omladinske politike, identificiraju ključne teme i

---

<sup>1</sup> Vodič kroz Zakone i prava mladih u Bosni i Hercegovini, Vijeće mladih Federacije BiH, 2020.

<sup>2</sup> OSNOVE OMLADINSKE POLITIKE, Savjet Evrope i Evropska komisija, 2021.

trendove te analiziraju novinarski pristup tim pitanjima. U prvoj fazi projekta, planiramo angažovati dva/dvije terenska/e istraživača/ice koji će obići različite regije i istražiti načine primjene omladinskih politika na lokalnom nivou.

**Zadaci:**

- Istraživanje implementacije omladinskih politika na terenu i online u odabranim regijama;
- Prikupljanje informacija o aktivnostima i programima usmjerenim na mlade kroz fokus grupe;
- Saradnja s lokalnim partnerima/organizacijama i medijima;
- Praćenje i dokumentiranje ključnih izazova i uspjeha u implementaciji omladinskih politika na lokalnom nivou;
- Redovno izvještavanje prema glavnom/oj istraživaču/icu i ONAuBiH timu o napretku i rezultatima.

**Potrebni uslovi i vještine:**

- Poznavanje lokalnih specifičnosti i potreba mladih u regiji;
- Izražene komunikacijske i istraživačke vještine;
- Mogućnost putovanja i rad na terenu;
- Odgovornost, preciznost i sposobnost samostalnog rada.
- Poznavanje medijskog okvira u Bosni i Hercegovini;
- Poznavanje omladinskih politika i njihovog značaja (poželjno);
- Državljanstvo Bosne i Hercegovine.

**Rokovi:**

- od 20.1.2024 do 15.3.2024. realizovati dodijeljenje zadatke od strane istraživačkog tima te sprovesti fokus grupe s mladima u vezi sa temom istraživanja
- do 31.3.2024. dostaviti finalni izvještaj o prikupljenim informacijama

**Prijave:**

Molimo vas da svoju prijavu sa biografijom (CV-iem), motivacionim pismom i finansijskom ponudom dostavite najkasnije **do 30.12.2023. g.** putem e-maila na adresu [aplikacije@onaubih.ba](mailto:aplikacije@onaubih.ba), uz naznaku „Prijava za terenskog/u istraživača/icu“. Kandidati/kinje će najkasnije do 16.1.2024. g. dobiti povratne informacije o statusu aplikacije. Za dodatna pitanja ili nedoumice, stojimo vam na raspolaganju putem navedenog e-maila, a postavljanje pitanja je moguće najkasnije **do 20.12.2023. g.**, uz naznaku „Upit“.

**NAPOMENA:** Imenice koje se odnose na osobe bez obzira na njihov gramatički rod podrazumijevaju oba prirodna roda, odnosno spola.